

四庫全書

集部

欽定四庫全書

忠肅集卷十七

宋 劉摯 撰

五言長律

縣齋歲晚寄萊蕪田同年

原注 數
字直傷

西北東南邑相望歎索居音塵路千里契開歲三除
薄宦隨羣衆平生媿拙疎茂陵將謝病中散不便書
燕澤歸鴻盡東山晚雪餘江湖勞夢寐風土污簪裾
塵卷吾

成癖囊詩子富儲孤懷吟劍鐔舊跡夢崑墟今古看毫
髮功名賸贅疽何時拂衣去相與醉鱸魚

渚宮

坤腹疏靈境蓬宮抱故城清風百年內芳草幾番平樹
色埋危屋湖光泛彩楹真游三島近仙界一壺清外慮
隨塵隔虛懷敵水明松筠烟翠老臺榭綠苔生敲枕巫
雲近披襟楚吹輕舟橫疎柳靜橋卧晚波晴事往空歌
嘯人閒自醉醒我來真漫興魚鳥莫多情

梁宣明二帝陵

原注宣明二帝蕭譽蕭嶷也初湘東王繹平侯景之亂即位江陵改

元承聖三年兄之子岳陽王譽引西魏兵攻嶸害之尋臣于魏而稱帝于江陵傳子嶷嶷傳子琮通

三十年為
隋所滅

侯景淪江左湘東復有梁經綸鍾厄會禍亂發諸王忍
死瞻姑熟尋戈起岳陽車書千里感符數百洲亡二主
非神武開基挾北強中興乖晉睿慙德肖吳光歷閏天
餘氣蛙鳴井底鄉快心真噬腊覆手已索羊臣妾隨三
紀圭裘隘一方故都終契闊宗祀各悲涼雙塚留衰楚

遺孫盛有唐神靈依古刹雲木抱回岡野火穹碑斷秋
風蔓草黃樵童雍門歎總帳魏臺荒天地雙車轂興亡
一酒觴冥然無足弔幽思漫徜徉

送李祕監代還

天聖旁求盛明公射策賢三朝推國器一節到華顛卯
翼千餘士冰霜四十年至誠忘吟域端已笑韋絰政愛
偏東土民謳戴兩川旄飄外臺節貫朽大農錢松柏風
霜後蒼龜禍福前求開建封幕又泛馬融船士望儒林

丈官儀祕府仙仁能化鴉泮明不浚魚淵蔽芾人人頌
京坻歲歲田吟春西渚殿醉月北樓天卓馬周侯覲三
公漢守遷蜀江飛大旆魏闕望非煙賤子何為者名途
祇偶然世高劉表幕才媿杲之蓮願借今難及遺恩久
自傳鄰哉拱堯舜天下俟陶甄

秋雨用唐誦韻

大雨餘炎洗清秋爽氣回人情醒委頓物象救低徊
岫滋乾翠田禾起旱栽雲空明復晦風縷密還開草合

門三徑蛩緣壁四隈藥奩烘潤幙書几拂陰霾
蒼底漁情樂沙邊客意催簾幃晨氣濕蕉竹夜聲來
想見天開月行期菊滿杯端居聊可喜不用拂莓苔

六月六日避暑山寺次蹈韻

楚國元卑濕炎天更鬱蒸風吟同倦虎霄望劇愁鷹渴
肺塵將公流膚汗不勝嚼肌紛暗蟻遶鬢開飛蠅六月
常難雨三湘不識冰爐烘一天地火藥萬川陵氣候金
初伏襟懷水未澄高明尋偶得林麓遠同登此地聊幽

遁危亭更上層泉聲懸嵒嶠松影轉觚稜汲井沈圓李
緣池摘翠菱涼清生洞壑秀綠動溝塍佳氣西頻望鄉
欄北屢憑有期羣野鹿無法問山僧雲石逢如舊巾裾
見若憎聊堪優卒歲不愧俯捫膺

和路秋懷三十韻

天地炎氛退江湖顥氣涼西風來沆碣久客興徜徉夜
匝烏南樹心驚鴈北方乍因鱸感慨肯為鵬憂傷縱步
青筇杖投詩古錦囊精熒籬下蓓狼藉沼中香妙理晞

欽定四庫全書

忠肅集
卷十七

莊達哀歌笑楚狂是非來袞袞光景去堂堂別浦丹楓
老閒園碧草芳林顛蟬嘒急霄路鳥飛長曉露清饒月
晴雲暖護霜琴中知水意樓上得山光桂長金波外槎
沿玉漢傍江天晚搖落澤國少凶荒竭作趨川壑歡言
治園場神祠鼓遞響社甕酒初嘗自昔悲時節閒愁滿
肺腸宋生辭辨屈甯子意歌商代謝惟寒暑平均彼昊
蒼放情羣鹿豕度德負簪裳致主深慙尹汪陂又愧黃
無功可銘鼎有學不鍼育賦興須潘子詩懷勗謝郎雖

欣去酷吏更憶舞商羊不解葵傾日寧忘鶴返鄉錦封
西澤鯉珠剖北山梁塞馬難前慮江鷗肯下翔無為澤
邊悴更賣橐中裝朝野多閒暇洪纖遂樂康何時放歸
櫓大編水中央

次韻跋蹈登護法院澄心亭

昔泊銅陵縣重來跡可尋洞巖一指顧花谷記登臨歲
月回秋棹江湖入醉襟魚籃腥邑市俚語雜山禽紫笋
抽薑圓朱丸綴柿林長官誇樂歲游子足悲吟眺望春

欽定四庫全書

忠肅集
卷十七

五

思曩踈慵老嘆今蓬牕把書卧空此望澄心

題和州雲蔭軒

古木無年歲新亭托隱樓交涂寒蠹整垂蔭亂雲低明
暗蒼烟合深沈綠幄齊雨回陰徑外日隔畫簷西涼露
緣虛滴珍禽占密啼仙家青桂洞隱士碧蘿谿覆冒均
松蓋妖穠笑李蹊坐疑秋色早境與世塵睽地惜開軒
晚名因寓意題還當推大蔭天下一民黎

城北庭

邊草連沙白燕雲擁漢青將軍眠塞壘使者拜王庭金
帛三千乘和親七十齡豺狼甘血肉騏驎老林垆秋色
榆將落書生涕但零邊塵何日靖願一震皇靈

次韻輅氏東亭書事四首

寄隱無懷土為文倦解嘲地閒從草徧門靜絕人敲螳
伏尋蟬捕鶯斜趁蝶捎楚冠誰問事越鳥自知巢罇酒
欣常滿鄰書得借鈔援琴意流水彈劍恨空庖蘭徑深
添菊蔬畦淨拔茅殷勤謝老圃善惡不相殽

幽懷樂所遇且任北山嘲世事棊秤變年光石火敲松
筠陰自冷蘿葛蔓相捎草密蛇橫徑簷低燕露巢楚醪
無再設蘄紙不重鈔旋買杭留客親科筍付庖靈山瞻
二祖歸路近三茅塞上藏憂喜人心浪自殺

朝夕此疎傲東亭無我嘲並城田鼓作鄰寺食魚敲樹
密日先暝竹長雲可捎遠書惟鴈足小隱是鳩巢茶憶
新團碾琴譜舊譜鈔懃時常笑屈投間賔懃庖霜雪期
松柏風雲富草茅周郎晚菰近有以代嘉穀

自有逃虛樂徒興尚白嘲晚槐嘶意急蠹木啄聲敲犬
傍青籬臥童尋赤棗捎微茫枕間夢安穩曉邊巢困憶
石泉弄渴思冰蜜鈔襲香蘭入佩益氣芑充庖疏洗王
家竹誅鉏宋宅茅東亭真可樂萬事付紛般

寄長蘆福禪師

境與人相得長鯨宅海宮香花六時會心跡萬緣空地
恐諸天接江從九澤通潮噴寺門冷霞拂殿簷紅暮鴈
來淮北朝帆下浙東千重蒼桂霧萬頃碧蘆風衲擁山

雲暖餅函水月融當年約蓮社何日謝塵籠

七言律詩

離冀州馬上示趙湜

馬蹄輕滑背城闌廣陌朝暉健醉魂暑氣泛清憐小雨
木陰環翠羨名園宦遊淹薄風塵熟時事侵凌耳目昏
獨有空愁慵病客肯來吟嘯伴南轅

紀南道中望荆渚

地經三國鬪龍蛇江勢天形控蜀巴藏雨鳥歸荒冢樹

採金人聚淺壕沙。子囊城廢。今秋草高。氏宮遺昔井蛙。
倦客詩情真。劫劫得于鞏馬。似曹家。

雙橋

危橋相向翼高堂。步步行空跨石缸。漢外夜驚靈鵲度。
雨中秋臥綠虹雙。烟開從此瞻瀛島。路遠何時過楚江。
記得扁舟綠楊岸。畫欄朱柱對篷牕。

將至監利先寄王令

屈指中秋六曉昏。大堤叢竹見霜筠。

原注 夏中奉有未堤竹成叢之句

未

欽定四庫全書

忠肅集
卷十七

八

乾醉月題牋墨隨躡還家走馬塵撫景敢嗟經歷倦軒
眉頻喜笑言親明年各是東歸客羊酪萸羹萬里人

監利泛化丘湖遂至北洲寺

淼淼平湖闊楚江方舟兩槳破秋光晉風釣月嘉魚國
飛雨翹煙白鷺鄉故老昔能悲岸谷騷人今但愛滄浪
北州更有忘歸處寺壓蘋花千里香

馬上和王監利見寄兼簡鄒澤民

憶昨西歸春未窮重來堤竹已成叢川塍足水稻齊挿

霖雨漲江河欲通一馬久期均物理雙鳬安得快仙風
故人況有瀟湘約應喜樽前笑語同

原注二君江南故人而澤民亦見約

會于
邑中

高唐孟延年明府見招

公幹方吟簿領迷浩然詩句慰相思壯懷已有潘毛歎
陳迹猶懷漢佩奇塞下書音稀鴈足江南秋味憶葦絲
祝君多種官田秫欲趁淵明釀酒期

原注來詩有翼絲之句及道昔年金

明勝
遊

欽定四庫全書

忠肅集
卷十七

九

招鄒澤民

日借西園放客愁，忘機魚鳥分相投。
水深碧沼前時雨，風滿高臺六月秋。
蟬嘯已驚移節物，鷗羣何事亦沈浮。
煩君試拔塵埃足，來伴元生漫浪遊。

次韻鄒澤民感事

河湟蟻虻玩天恩，餉饋驅馳不足論。
陛下至神收廟算，諸公何術偃戎軒。
凱歌計日登宗祀，歸將驚秋望故園。
賤士江湖真碌碌，狂吟無以謝乾坤。

清明日至潛江馬上先寄王炳之陳子正

桃花飄泊萬紅英，獨佩詩囊傍水行。
二月東風撩霰雪，峭寒天氣作清明。
病懷敢有賢勞嘆，壯志徒因節物驚。

樽酒喜親陶靖節，經幃仍近董先生。

原注子正說春秋

五月十日發俞潭先寄王潛江

雨過長風吹野塘，水深川路白泱泱。
人如澤畔窮吟客，天似江南八月涼。
陂下臥輪車乍歇，田間鳴鼓稻齊秧。
長官應為斯民喜，准備新詩賦萬箱。

戲呈詩會諸友

郢樓吟侶近蕭疎
椽筆貪抄未見書

原注澤民近多傳書

拙客懶

同嵇叔夜

原注自謂也

少年文愛馬相如

原注彥修直夫頗聞會賦

夜涼

燈火心親古秋老江湖興起予
欲整羸師尋戰地清風無使舊壇虛

月夜即席次韻

天帳空虛碧玉寒
露華應滿漢宮盤
十分月上星光掩
四坐詩成醉語闌
楚鴈歸驚客恨庾樓風靜足清懽

一年惟有中秋賞銀闕鰲山夜未殘

次韻直夫喜與炳之會

莫悲人事轉秋蓬但使樽中酒不空尺蠖屈身今我倦

南鵬飛化昔君同

原注炳之余同年

天晞殘雨偏宜晚堂壓寒

溪賸占風合繼回源書讌籍楚山堅石盡堪磐

次韻炳之河亭

風拂藍溪舞翠綃庾郎池樹旋誅茅春蘋初見香生葉
夏果重來子滿梢淥酒不空期霰雪清談為樂敵絃匏

塵埃久負江湖志，徙倚朱欄祇自朝。

寄鄒澤民祕校

去年樽酒共論文，一別西園跡已陳。
終日城頭憶王粲，清吟澤畔似靈均。
懶書已負交朋責，滿秩初湔耳目塵。
萬里江風秋思近，歸心聊復借鱸蓴。

送楊祕校

大櫓雙櫓換巴船，美滿西風水接天。
蘇子意飛黃鵠外，梁公心在白雲邊。
蟹肥采石秋霜足，酒滑湓江夜月圓。

綠服拜親無限樂幾多幽思入新篇

別田延年王潛江

才非王粲入荊州淹簿三年已倦游
疎世自甘時不與論交有得子相求
學知所樂輕文繡言至無瑕絕悔尤
大舜蕭韶方九奏佇看靈鳳出丹丘

次李秬新秋韻二首

雨晴涼意日相親物物秋容絕點塵
滄海誰期泛槎客西風先傍憶鱸人
收還志業圍棋局分付光陰漉酒巾

欲約一罇清夜話月中涼露滿松筠

風驚梧葉覺秋還萬丈歸心到北山已許生平江海上海上
坐求功業簿書間頗聞都護刊銅柱更喜將軍入玉關
朝野清明無一事相從那使酒罇閒

次韻李中舍秬秋雨

三伏方中火欲流陰霖匝月氣爭秋坐愁屋底須持蓋
聞說田間可漾舟狂草滿庭泛戢戢濕蟲侵戶聽啾啾
獨于水部添詩思坐滴空階興未休

次韻酬李秬

公幹長迷簿領書，渥言那似阮元瑜。
閣投子有夜光璧，次報吾無明月珠。
急景壯懷悲劍鏑，西風高興夢蓬壺。
勉強豈使今慙古，元白鄒枚亦此都。

出都二首

兩槩東飛下大梁，樽罍漂泊過重陽。
江湖常恨連年隔，羈旅寧為萬里傷。
淮寺月寒蘆颺白，楚林霜早菊迎黃。
篋中諫紙餘多少，盡寫新詩入錦囊。

欽定四庫全書

忠肅集
卷十七

重入修門甫歲餘又攜琴劍反江湖乾坤浩浩何由報
犬馬區區正自愚緣熟且為蓮社客伴來喜對草堂圖
西箱屋了吾真足高枕看雲一事無

初發梁澤

蒲側荷翻小雨收鱸葦高興滿扁舟雲稀樹色偏宜晚
天借湖光賸占秋孤鷺落霞閒上下紅蓮白鷺各風流
此行說與同樽酒南國江山盡舊遊

金陵

月滿扁舟久客懷石頭城下暮潮迴霸王基業從吳始
人物風流自晉來大抵險深輸道德于今榛莽蔽樓臺
吟毫千百年間事賸寫江南庾信哀

南喜寺

天監禪僧此結廬石頭高士有遺居樓飛縹緲巖腰峻
庵靜崢嶸閣道虛雪後桂花香澗谷春寒松霧滴巾裾
山中物色吟雖苦盡是詩翁掇拾餘

靈巖寺

先望巖端金碧明久穿蔥蒨踏崢嶸山疑圖畫曾經見
地喜生平所未行隨處石泉春渴解上方雲屋夜寒生
主人著意開佳境無負千年四絕名

連年往返水陸萬餘里今自鄉中挈家南來已至
江州行徼險阻喜而作詩寄之

亥宮驛馬歲翩翩又作離鄉路數千拔宅今為大去國
出災休算小行年訪尋前日停舟地催迫窮陰舞雪天
屈指還家已無事便應調拂武城絃

舟次再寄

小孤風順水安流
湓浦欣聞已繫舟
幾日亭中折奇樹
從今江上解離憂
客心歲晚驚催櫓
雪意天寒入倚樓
東園梅開酒更美
團圓無復越鄉愁

岸次見梅花不果折

武昌江口見江梅
紫萼瑤芳取次開
窮臘雪寒新霽後
滿枝春色為誰來
坐嗟隴首無人寄
莫使城樓有角哀
猶喜東風慰岑寂
暗香時許度蒿萊

自衡嶽至福嚴寺二首

曉指禪關入翠屏，烟嵐金碧旋疎明。
旁看陰壑溟濛失，斗上雲梯偃蹇行。
漫興獨于元子愜，詩懷容與謝公評。
區區出處勞分別，朝市山林各有情。

俯仰巖谿萬仞臨，恨輸飛鳥極高深。
青雲平地人難到，流水殘花路可尋。
稍覺衣裾侵小雨，漸聞鐘磬下遙岑。
丈人不厭頻來往，欲作香山得二林。

福嚴寺呈貫之少卿并諸禪老

眼熟林巒認舊緣
耆闍峯北入霏煙
雲房直上三千尺
蠟屐重來十五年
山與坐能朝萬象
地靈深自接諸天
暫游久住均如夢
社客何須約白蓮

至福嚴寺得鄒耒陽書因寄

盡室攀蘿入五峰
峰前金碧寺飛空
山當星鳥離方鎮
地闢天龍海上宮
喜我徜徉泉石外
憶君辛苦簿書中
登臨樽酒無因共
半夜題詩寄北風

欲登祝融峰阻雨呈少卿

霧雨陰冥萬壑蒸五峰當面失雲層愁如藥使迷蓬島
路似仙溪隔武陵已認神靈憎俗客欲將魔障問巖僧
勞公為我祈昭聖暫借扶桑白日升

贈南嶽董少卿二首

原注師道贊之
管南嶽廟再任

身在南山非隱淪閒中官貴異風塵清泉白日預何事
華髮綠衣今幾人虛室圖書忘歲月壽筵香火祝君親
朝廷不以忠移孝又說恩函拜命新

世人行止兩怱怱公獨榮親祿隱中清職正同香案吏

曠懷都似漆園翁
南陵蘭茂最羞潔
內鼎丹靈老頰紅
雖喜論心慰遷客
區區安足識冥鴻

贈黃少卿二首

仙翁來自太常班
再乞林泉捧詔還
養志祇為華髮戲
無心宜共白雲閒
一樽未厭塵中客
雙屐同躋雨後山
為寄東宮舍人語
五峰新句兩難攀

攜筇得得訪雲關
恰值東湖賀監還
泉石主人元好事
塵埃游子暫偷閒
心輕齊組知靈運
文滿浯溪服次山

祇恐東風喚歸棹江頭楊柳已堪攀

少卿送酒肴至山中

十里傳書厚意將珍肴醇醑寄山房定知僧舍饜蔬食
更欲雲巖有酒鄉一飯常聞淮上報獨醒徒使楚人傷
攜持明日到峯頂試揖浮丘共此觴

次韻貫之見勉冒雨至後洞

狂電驚雷曉未收春雲能護洞天游徘徊已盡剡溪興
祕怪難探禹穴幽彊勉更須勞屐齒龍鍾何憚過山頭

從今功德應圓滿厚意成人豈易酬

又次韻

已踏雲梯上翠岑洞中間說更幽深夜驚寒雨生瀟灑
愁起孤猿助嘯吟白日昔傳仙可學青天今笑夢難尋
故應清興無時盡肯為淹留折此心

登祝融峰題上封寺二首

磴險梯危路忽窮勝遊須到祝融峰九千丈外雲間寺
一萬年餘石上松引手莫高疑觸斗臨池毋久恐興龍

此山惜與中都遠未得君王檢玉封

寒風吹腦赤霄邊飛鳥猶難到絕巔下見人間又成海
恍驚身世此何天巖腰半白春留雪僧面多黔日冒煙
我亦淮南宗姓後舉家應合到神仙

貫之自嶽先還衡陽示詩見別次韻奉和

雲壑登臨杖屨隨狂歌清醉樂忘疲拍肩正賦遊仙曲
回首還吟陟屺詩春草便驚南浦別壽觴應慰北堂慈
區區流水高山意常有孤音託子期

忠肅集卷十七

欽定四庫全書

忠肅集卷十八

宋 劉摯 撰

七言律詩

春日

小雪崢嶸變曉寒
舊年殘臘破新年
明生月魄初三夜
氣動春灰五九天
夢甲韭黃隨綠酒
絲幡羅勝上華顛
故園欲告西疇事
思我楓林楚木邊

游白雲山二首

藍輦微風迎曉涼，細碎草木無數香。千巖雲歸雨未足，

幾衝水淺禾難秧。

原注：山中之田，每一水所溉，謂之一衝，如曰一溜也。

松下陰森

石橋冷竹邊，曲折溪路長。西家又得避暑地，翠微亭在

山中央

行窮蔥蒨坐清涼，隱几川原一炷香。小雨徑從前嶺去，

高禾移就下田秧。禽聲不見山情悄，江影新生客思長。

政使歸期猶遠在，白雲游樂未渠央。

原注：二月七日與客游白雲山二子

待行路有詩

次韻一首

次韻跂蹈山行

舟伏盤渦傍淺沙，北風寒日氣清嘉。
初從磯口鉤漁舍，漸入雲林問酒家。
萬里欲飛愁若絮，小爐危坐眼生花。
筋骸養作衡山力，坐擁肩輿聽課譁。

二子訪酒家不過次其韻作

青旂不見山雲深，何以慰此二子心。
阮修杖頭故應在，黃公舊壚無處尋。
求有不得事當戒，興盡必返愁難任。

仙家竹葉未必美舟尾茅柴還可斟

賞心亭

佳山遙迤抱故國危觀突兀凌長波仰憑飛景赤霄近
下瞰萬木蒼烟多三閣繁華芳草在七朝風物一禽過
後人未見興亡本祇笑陳家玉樹歌

涵輝閣

碧波瀰漫起春湖草色黃深岸四隅新謝小桃雙燕至
從南微雨好風俱暫來祇是林泉客長見須憑水墨圖

無數鳬鷗記相識近人浮泛滿青蒲

王母池

阿母宮前阿母池池光清滑瀉玻璃岸擎蒲座涵佳氣
影上仙衣潤彩霓靈液發源來海谷飛花隨泛出桃谿
羽車鳳蓋無消息寒月沈沈寶殿西

次韻王太博闕太丞同遊石鼓山

禮局仙人兩俊流高才相敵異商周北溟風水初登化
南楚江山晚並遊契闊歲華歸大笑留連騷雅入冥搜

江邊一醉驚離散應有功名約白頭

次韻陳秀才胄遊石鼓山書院

山頭雲木鬱青蒼山下江流淨鑑光
亭閣瞰臨慙舊句巖溪開築想前良
心甘水石忘羈宦耳冷絃歌歎土鄉
寂寞先生與叢竹相看孤節幾秋霜

元日寄耒陽

元日江湖萬里身四方南北等埃塵
莫悲天地如行客還喜瀟湘見故人
綠酒桂盤催獻歲小花羅勝寫宜春

淵明祇向東風醉應笑窮吟浪苦辛

次韻來陽鄒明府庸

夢比光陰一鳥過四年江渚負長哦逢君舊眼青猶在
驚我寒鬚白已多言偃政聲方泐洽茂陵歸思獨蹉跎
何時又見揮吟筆快若輕丸下峻坡

原注君詩思敏捷

承以舊韻示喜霽詩次和

楚雪飄殘四望間江山晴氣撲衣冠曉餘霜日明崑嶺
清極人家在廣寒賸琢瓊瑤君句巧相當旗鼓我才難

青天寂寞浮雲盡最愛春風幾鶴盤

簡提刑朱仲隱初玉學士

當年蓬館近儲胥紅壁東西對直廬
綿絕同參臺曲議
芸籤分校御前書
竭來憔悴騷人國
隨見光華使者車

莊烏有吟皆病思賞音徒欲慰頑疎

原注君詢索近詩

次韻朱仲隱寄鄭寺丞

猛脫塵勞厭競馳歸來不著楚騷辭
江家有宅能依竹
陶令臨流祇賦詩
簷北嶽雲供顧望
水西州市隔喧卑

康強八十人難者此外窮通各一時

送呂雅寺丞

王府文華異俗氓丹山毛羽盡祥珍伊臯相業光前史
王謝家風世有人好學少年忘貴胄檣詞奇藻敵陽春
如今四海皆桃李曾見槎通萬里津

路虞部得代還

東風楊柳認春天輾轉車音向郢山久客不知游宦樂
五年方喜取書還邊兵近日屯湟水漢將何時入玉關

自古詩人多慷慨功名無使壯圖開

次韻聖和還自京師途中見寄

郊原新雨靜纖埃路下霏煙白玉臺
遼鶴應悲里中舊仙鳬今自日邊迴
雲端心望高堂喜馬上詩尋故社來
牢落不才疎世者尚貪斗粟變蒿萊

次韻李聖和寒食郊居二首

春郊寒食歎淹留巧映鞦韆樹色柔
杏萼離披翻白雪柳花輕薄聚圓毬
風光無賴撩歸思節物相逢眷昔遊

塞下塵埃侵夢想何時仙袂揖浮丘

林梢黃綠野禽鳴泱泱春陽泛地平禁火人家甘冷淡
浴蠶天氣趁清明誰將馬絡尋春去獨佩詩囊傍水行
稚女弄花田田笑醉笑歌真是太平聲

次韻李冲聖和秋懷

燕鴈南來久客驚寥寥風色試寒輕吟殘紅葉詩無味
歸識滄洲夢有情歲晚壯懷同劍冷樓高愁思共雲生
淵明無酒重陽近幾日東籬繞竹行

聖和受代

枉尺誠非聖賢事守道固與時俗違難哉仕者行已志
況復儒生疎世機喜聞傳告令尹政應歸薊拂塵土衣
快君高舉歎留滯把酒為歌黃鵠飛

次韻王太傅同陳長史訪僧不遇陳君先歸

林雨幽深止秀奇中間寧有大顛師漫勞雪客乘舟去
卻見雲僧採藥時歸興忽同分嶺水餘懷誰共一枰棋
故應重作春游約已覺東風傍柳枝

謁金鑾瑩禪師

西城十里入溪林，頓覺塵埃脫醉襟。
淺渚敗荷繁白曉，淡雲疎木抱清陰。
陶潛但有思歸賦，韓愈殊無善吏心。
遺照主人應念我，試將秋思寫瑶琴。

原注進
照堂名

次韻王太傅答周郎中寄酒

子雲寂寞歲將回，門靜因逢載酒開。
白雪雅歌郵置去，紅泥仙槎印封來。
親闌即日先稱壽，賓席何人伴倒罍。
莫作獨醒孤遠意，杜郎親撥凍膠醅。

金史卷之八
再酬王太傅

曲臺仙客苦能詩，思入風雲學有師。
楚國大夫吟澤日，江州司馬愛山時。
年華悄悄還杯酒，塵事紛紛付奕棋。
想得懷歸心似我，越禽常自記南枝。

次韻王弱翁借書錢君

錢家書橐盛儒林，禹穴時容探萬尋。
嗜好自同皇甫癖，寫傳應慰獻王心。
此于取與無傷義，盡以幽奇付賞音。
猶說冬官未通借，覽之安得有千金。

次韻弱翁早春病起

換骨欣逢九轉丹，東風迎歲雪梅殘。
玉良試火增虹氣，鶴老經春怯露寒。
詩就越聲驚惻惻，夢回天樂記珊珊。
故應有德神明相，寧事祈禳叩夜壇。

次韻弱翁春中久雨

楚雨廉纖無盡時，園亭惟有草菲菲。
桃花泛水飄紅去，燕子貪泥帶濕飛。
潤徹玉琴春氣弱，聲侵羅幕夜寒微。
東陽病骨疎慵甚，留取清樽待霽暉。

次韻王弱翁題承天寺萃景亭二首

左右青林抱邃深，徑隨蒼蘚上煙岑。
陵遷漸失三相事，春遠閒傷萬里心。
我愛白雲親鳥道，誰臨滄海較蹄涔。
北欄曾指鴻歸處，杳邈鄉山不可尋。

四臨千里一危軒，灑脫塵中兩耳喧。
隱几風波隨客棹，對江金碧露僧門。
數峯煙老靈妃國，三月花殘杜宇村。
不得相從嗟莞庫，新詩猶喜慰冥昏。

次韻孫景修題萃景亭

公遊何以拙翁巖

原注 公守桂陽開鹿頭山名其巖曰拙翁

盤磴先經釋子

庵視聽稍遺塵種種高名聊換府潭潭時驅萬象歸吟
几盡洗叢荒破暝嵐更有風華入春望名園都在面東
南

又次韻四首

于此登臨稱謝公湘南奇觀欲吟窮天沈暮鳥煙氛外
山抱春城霧雨中陂岸放車看宛轉寺簷飄鐸送玲瓏
老僧已許炎蒸日為借清風解輦筒

縹緲飛亭倚半空
景來酬對不知窮
天開雲嶂輪環外
地感林丘尺寸中
時有桂花飄馥烈
恨無泉玉瀉玲瓏
楚人不識靈均意
江上年年費粽筒

背倚叢岡面佛宮
登臨酸足喜途窮
白紅花意生洲曲
紫翠山姿落酒中
寒鷺見魚行歷刺
珍禽驚客語玲瓏
亭前雨足農知歲
免卜靈龜灼腐筒

隱几憑虛萬景空
潯溪能使決山窮
于今川隴民歌處
曾是干戈霸業中
蘋末起風香細碎
水光浮日影玲瓏

苟能適意茅簷足何必駕鵞碧瓦筒

送衡州王仲和郎中代還

鏡鼓催船下洞庭幾灘冰澁滯雙旌
呼噪霞雪暮寒重
早晚瀟湘春水生君意喜先湖鴈去
我懷方共夜烏驚
明年奏課趨雲陛拜罷當如漢仲卿

寄湖北運使孫景修朝議

曾伴籃輿入翠微杪齋終日醉春輝
親烹林筍班犀火
旋膾溪魴白玉肥歲月幾經鴻北去
風雲應有夢南歸

猶令猿鶴無驚怨聞說頻年見錦衣

原注公雖在北路時以使事過之

秋日即事

湘城風物向秋新興入萸萸與鱸鱖舞霽紅楓映寺
蓓含霜紫菊迎人瞻望河漢乘槎客歌詠倉箱擊壤民
欲放幽懷到滄海徘徊黃鵠更傷神

偶吟

平昔名場氣吐虹青袍霜鬢老湘東舊交半在雲霄上
壯志都銷水石中樓上買魚乘酒熟舍邊秧稻指年豐

清風令德人胥化合使鄉閭號鄭公

被旨還闕訓答諸公韻三首

楚雪三經橘柚天君恩新許出湘川雖非殿席虛中夜
且勝臺郎謫九年歲晚病懷孤劍外江寒歸思亂雲邊
妻兒莫恨歸裝薄賸得諸公錦繡篇

湘南竊食漢鹽官長記靈煙魏闕端隙過白駒三歲月
萍漂滄海一孤寒九重寬宥環初賜萬里歸心斗欲干
常媿主恩深未報慨然真喜脫囚冠

幾年南楚聽哀猿自昔江湖憶帝閭粉骨何裨天下事
賜環難報聖君恩餘光久記仁人里引重仍慙長者言
安得新官來棹速更隨春色到鄉園

喜政蹈登科注官

原注餘
姚烏程

祖門傳子又詒孫善慶儒科燕後人雁塔繼題三世字
桂林仍見兩枝春稽山照色天如畫雲水浮州地絕塵
我亦浩然歸思起明年雙棹趁吳蓴

倚舟崇福寺寄臨湘衡文叔祕丞

相逢相別立湖邊幾見罇罍換成年簿領初離仲宣幕
政聲猶屈武城弦歸舟落晚惟荒寺病枕驚秋聽早蟬
咫尺松風亭下路可憐雲霧隔青天

原注縣舍有松風亭

行虞城縣早起寄公秉

一夜風聲海沸騰東衣寒屋赴晨興雲吹慘澹天西月
馬踏玲瓏雪底冰吏事不堪年老大歸懷那復病侵凌
遙知宴息庵中夢正在仙門第八層

寄公秉李郎中

二月晴霜冷逼人深紅桃萼爛續紛寒中悄悄春強半
湖上悠悠水十分心厭留書期謝病跡疎罇酒憶論文
東風留著芳華在何日仙臈下白雲

次韻王定國湖上

君來惟有岸蒲青落寞羈懷獨此行遠浦自迷春草色
綠陰初變夏禽聲龜毛兔角知何物鵬海鷗枝各有情
且共論文一樽酒吳霜從向鬢間生

和王定國

地遠城東得得來正如湖畔共含杯
眼中故舊青常在
鬢上光陰綠不迴
歸去汴橋三鼓月相思梁苑一枝梅
我閒時欲尋君醉為備芎膠更滿壺

原注病目君為置芎酒

次韻定國約過李氏園池

年來高興滿尊絲
寒薄春風駘蕩時
稍愛燕脂開杏萼
已驚香雪爛梅枝
老于樂事心猶壯
病得新詩和獨遲
何日華鑣向金谷
擬追仙翼到瑤池

次韻答王定國

江州居士赴東城旬月相忘不寄聲
閉戶邇來能避謗
求田何處欲歸耕
筆端浩蕩詞逾壯
胃次崔嵬氣未平
我有白羊新賜酒
澆愁聊可一杯傾

次韻王定國懷南都上元

九陌無塵夜霽天
兩都風物故依然
車馳馬逐燈方開
地靜人閒月自妍
佛館醉談懷舊歲
齋宮詩思鎖今年
傳聞公子微行處
門外驂騑立繡韉

原注去年上元南都同李公秉三四

革游靜覺遜飲上生院今年
致齋太常聞定國游相國

同孫推官吏李郎中鈞督役河上叙懷三首

時哉風物媚郊原無賴禽聲對客喧
山色帶煙屏依漢春陽凝日浪浮坤
河功田利茲為重士賤民勞豈足論
仙老不妨持道氣朝餐華景望朝暾

平湖勝勢抱南城花氣濛濛馥近坳
黃變柳條歸老綠紅殘桃葉換尖青
春乘病後成多感事向閒中見未形

日日攜茶喚賓友吳泉烹盡惠山甌

原注來詩
問南湖事

車馬傳聞漸欲還河邊陳迹棄春灣
睽離心恨三秋月

積累功成九仞山從事獨賢公弗歎散材無用我宜閒
放夫急趁蘭洲賞寒食光陰悅仰間

送許敏修使二浙二首

大夫才業帝都俞清潔寒冰在玉壺
流馬阜財求八使鑄龍班鄮重三吳
海門曉日迎飛鷁笠澤秋風趁鱸
亦欲東遊聞米賤行臺還可庇疎愚

葉葭曾愧倚瑤瓊京兆經年共左廳
屢喜足音臨病几

原注臥病日久屢蒙訪問

獨何才力致虛囿

原注君治開封有能名此以獄空被賞亦及不

省

閩山近部榮鄉繡越客何人識使星隨看鋒車下江
海歸來人物重朝廷

題泰定小雅亭

名花多自洛城傳物色春工十指間漸買姚黃并左紫
恨無伊水對嵩山主人妥妥多材藝俗客悠悠幾往還
惟有萬竿亭背竹霜青偏解照衰顏

八月十二日同楊誠之馬全玉王似之泛舟至舊
州塔下作

秋水瀰漫山翠微
西風恰好坐吹衣
濃雲將雨東西去
白鳥窺人下上飛
陵谷是非詢野老
滄浪懷抱負魚磯
遲留莫聽嚴城鼓
待得雙橈弄月歸

次韻趙伯堅令鑠郎中憶南都牡丹兼寄子由

芳叢百朵爛紅雲
曾倚西軒醉雨春
夢雨一驚巫峽曲
佩香常記漢江濱
病懷日負杯中物
花意今看檐上塵
回首東風君自問
欄邊更有後來人

城北

寒門秋色陣雲飛
雉堞烟青畫角悲
河圻波濤含趙魏
星分畢昴半華夷
太原獬豸當征日
瀚海單于欲戰時
六十萬兵聞飽死
誰憐山後八州兒

喜王彥祖新居

今見黃州慶有餘
侍郎門戶已容車
風流地望烏衣巷
瀟灑仙人碧落居
三畝江家須種竹
一區楊子獨藏書
東平我久猶如客
何日菟裘近里閭

北山道中

隨馬盧泉碧玉流野林春鳥語鉤輅桃飄殘萼紅堆水
麥換新苗綠滿疇世味淺深聊爾爾生涯消息強悠悠
不如收拾詩千首要似張家萬戶侯

題所居圓明庵

茅剪幽廬小圃東葛巾藜杖稱高風守方固恐形為累
內照應知色即空出入有虛還有實輝光無外亦無中
世人欲識圓明事盡問名庵隱几翁

還句龍緯化文詩卷

誰識斯文久寂寥
希聲杳杳思滔滔
氣無外物纖毫累
才有靈光萬丈高
誤借鼓鐘娛海鳥
自堪奴僕命離騷
啞鐘亦欲煩君手
能為孤音解鬱陶

贈汪汾同年

往歲仙遊白玉臺
拍肩曾喜得洪厓
高門已覺陰功在
古獄猶嗟寶氣埋
風竹夜聲清醉枕
雨峯秋色滴吟齋
大夫未老無多嘆
會見勲名與願諧

秘閣曝書畫次韻宋次道

帝所圖書歲一開及時冠蓋滿蓬萊發函鈿軸輝唐府
散帙芸香馥漢臺地富祕真疑海藏坐傾人物盡仙才
獨憐典校來空久始得今年盛事陪

病起次和何溫甫祕丞雪琬中見寄

士譽民謳楚粵間相逢傾蓋問南冠吟餘候館春風峭
病後湖天霰雪寒應喜白雲瞻望近

原注君迎親至此

獨憐滄

海去歸難雅歌贈我琅玕意欲報慙無兩玉盤

聞東園諸學生雪飲寄之

大雪填虛翻海波，
安門戶可張羅。
寒驚春絮因風早，
病覺空花向眼多。
梁苑喜開陳桂酒，
郢人誰已唱蘭歌。
少年撫景應須醉，
莫學衰翁著睡魔。

元日示彭器資御史

天厯開祥歲，
屢登命元頌。
號繼熙寧春，
風寒色猶曉。
臘北斗杓端已轉，
星初退賀班。
東上閣，
卻觀郊樂太常廳。
便期鄼物尋樽酒，
莫問吳霜換鬢青。

再和

大禘新元詔太平萬方承慶日神寧寺觴別殿稱山嶽
治象端門燦日星放仗暫騎歸舍馬束衣還就致齋廳
史官不用占風瑞從此豐年紀汗青

次林御史次中韻

一鶚將從北海飛豈如窮翼老差池方嗟簿領迷公幹
尚喜琴音得子期別思俄聞賦南浦殘花猶可醉東籬
留連且此同罇酒歸去鱸魚未過時

原注時揚州陳丞相辟君幕府

再次韻

昔歲相從向此都重來風物變南湖莊生達觀嘗齊鷄
張翰歸懷豈為鱸世事不窮勞強勉官期猶遠盍躊躇
新詩易得皆精好真似元和咳唾珠

次和次中簡留守蘇子容

濉園文雅久湮淪居守今逢紫禁臣右客游梁似司馬
主人開閣等平津不才亦預門生舊承乏來趨幕府新
共喜風騷壇將在蕭韶時許擊轅親

次韻次中喜子容還朝

公歸真足慰儒林雲日重瞻帝闕金聚散可驚陳跡事
行藏誰見古人心春還漢省苔新舊霜逼吳船水淺深
坐憶茂陵猶未去悠悠徒有病中吟

次韻次中題雙廟

凜凜英風數百齡舍生知與義相形莓苔老澀穹碑暗
雲木疎寒古殿局自許孤城摧虎兕至今遺事炳丹青
二公死所真難處獨恨臨淮有遁刑

次和次中久雨阻行而聞浙中旱乾

積雨廉纖氣已淒
暝雲凌亂四天低
吟懷撼撼聲侵竹
歸思漣漣水拍堤
東海可能均霽日
北風曾未逆陰霓
應須更問淮南米
莫厭留連鷁首西

忠肅集卷十八

欽定四庫全書

忠肅集卷十九

宋 劉摯 撰

七言律詩

正月十一日迎駕大慶殿次曾子固韻

錦繡龍鸞仗衛新
絳袍黃纓拜行宸
天開雲日端闌曉
歲謁衣冠別廟春
歸輦順風傳鼓吹
廣街嚴蹕靜音塵
上元咫尺瞻游豫
更慰都城望幸人

次韻和門下相公從駕幸太學

詔移清蹕下齋房
訪道天臨舜上庠
正坐橫經開鳳展
袞袍接武照鵷行
雍宮故事收炎漢
闕里斯文盛素王
宜有諸生知聖作
勉趨賢路起東堂

立春後泰祠東郊呈器資二首

走馬東郊春早時
宿雲容與澹朝暉
溪邊水暖魚初上
塞北風柔鴈欲歸
君賞已誇梅白早
我來仍見柳黃微
年華恰恰催吟醉
從此朝回日典衣

漠漠陰雲曉蔽空
稍看疎霧泛冥濛
郊原脈起新春雨
簾幙寒生半夜風
縱步杳難尋舊苑
習儀聊復望祠宮
霜臺監察心宜喜
聞有精誠禱歲豐

奉祀南郊九日馬上口占

霜意雲情曉欲寒
城南驅馬面晴川
路尋紅皺黃團舍
興入丹茱紫菊天
城城園林驚晚歲
紛紛場圃見豐年
君恩未報歸何日
空使荒蕪靖鄧田

清明日玉津園奉陪賜宴文太師

漢燭青煙下九閭東風瑤圃燕元臣詔馳御竿深行酒
露剪宮葩別賜春不為夢魂聞廣樂許留光景緩嚴闥
曲江冠蓋華林客未有三師解組人

夜直中書省寄左省子容公

膺門早歲預登龍儉幕中間托下風敢謂彈冠頻貢禹
每思移疾避胡公論文青眼今猶在報國丹心老更同
夜直沈迷坐東省齋居清絕望南宮

宋此詩據宋
詩紀事補入

次韻謝師厚齋中有感

一庭春桂與秋蘭元禮龍門笑閉關不以使臺嚴陞級
盎然和氣見聲顏平生懷抱風塵外終日圖書几席間
天下蒼生瞻世德東山寧許乞高閒

殿廬次韻趙元考錦帶花

錦花香浸碧琉璃誰折芳叢下帝關橫裊正疑豪客纜
雙垂曾見婦人衣長條臥葉勝繁李密葉攢英似紫薇
繫取東風留節物還家猶及醉春暉

次韻錢純老密學白錦帶花

天園鄧物見芳華春暮重開白錦葩
開葉淺深瓊散藥
封條勻開雪團花玉翹無日真仙國
月帔垂欄上帝家
若向閭都論品第可容滄海碧桃誇

宣徽王公太乙宮使還洛二首

四紀翱翔覽太平三朝出入盛勲名
對啟徽省官儀重
謁款殊庭使事清桃李春風多惠政
鸞皇雲路半門生
少貪嵩洛鄉邦好人望巖巖在老成

位並樞庭今四貴官升太尉古三公
壽眉仙骨風塵外

琳館真都祿隱中治第頗聞齊綠野放心寧遂伴冥鴻
滿懷霖雨功猶未勉起行看謝傅東

送致政太師歸洛

元豐天子賜安東黃髮翩翩聖初坐省故攜靈壽杖
會朝仍駕虎賁輿平泉花木春常在遼水城池鶴自如
身是赤松無一事乳桐孫竹看扶疎

上洛都文太尉二首

慶歷承平已廟堂三朝勲業偏旂常昔雖郭令曾憂畏

今比留侯更壽康賜錢養人移玉食寵行天藥爛雲章
想公勝覺西都樂門外逍遙綠野鄉

詔書新出未央宮始識謀深別有功就第願陪唐九老
臨軒方冊漢三公翩翩雛鳳仙山上兩兩階星祖帳中
貴齒尚賢聖朝事可須歸興羨冥鴻

薛景庸太丞昌朝守邠州

風霜烏府不謀身丞掾鴻樞號得人九轉已欣丹換骨
一麾聊免甑生塵時今關隴烟雲靜地古岐周氣俗淳

正恐暫均勞逸去肯容文酒戀朱輪

次韻新陳州太守王彥祖侍郎

得郡同時下帝闈相聞雞犬再冬春名場步驟元希久
官牒推移魏積薪一笑醉餘雙白髮千騶南去兩朱輪
勸公少樂淮陽臥來伴林邊杖履人

九月十日趙韓王園同舍餞送王微之暫出守汝
州即席次其韻二首

左符初作魯山行便有蕭然物外情出入官游金馬舊

平生風望玉壺清，秋花黃紫羅千本。宴豆甘珍聚百名，談笑揮毫得佳句。從容聊喜暫班荆。

雲木疎寒天未霜，一塵清不點衣裳。白鱸南國歸懷壯，黃鵠西風去路長。攬轡便看紅旆轉，銜盃聊共紫萸香。相思肯惜瓊瑤寄，時有樓邊鴈北翔。

重送微之二首

瀛州日日聚華紳，舊德如公更幾人。寂寞窮經甘白首，風流投老就朱輪。光陰不負園綦局，談笑須還漉酒巾。

朝議雖知弱翁久不如方國慰斯民

曩昔清襟江上開九華山色照樽罍
中間世故何勝道晚歲仙都幸一陪
康樂又從滄海去次公曾自潁川來
春秋陞學應猶在聞說新書勝玉杯

重送文與可

神標人慕紫芝眉襟韻誰量叔度陂
相與論心惟有竹未能無意獨于詩
東風臘尾消冰雪南浦船頭轉鼓旗
想及下車春恰恰汀洲煙雨白蘋時

原注君喜
畫竹作詩

送益路提刑謝師厚郎中三首

鼇闕崑崙路不賒，單車聊復向褒斜。
東山行止繫民望，康樂文章自世家政。
在冰壺人畏慕，詔移金節使光華。
百城爭欲扳遺愛，豈獨諸生戀帳紗。

叱馭靈闕萬里行，爰書丹筆刺祥刑。
過家舊社瞻卿繡，入蜀何人識使星。
梅福上封推變異，望之雅意在朝廷。

華陰道過行臺路，共醉西湖賦鵲鴒。

原注：公之弟領漕京西，今往過之。

戡晏風雲劒外天，故宮形勢舊山川。
地環錦繡三千里，

兵後歌鐘一百年金馬已陳公子賦海棠應補少陵篇
官私侈快斯民病可賀于今使者賢

送子容二首

文人家世積清芬二許遺風見子孫學問共推元凱庫
衣冠爭望李膺門西垣潤色文還古東土留居政有恩
歸奉漢皇前席對豈無今士所難言

傾都冠蓋擁西圻一節移歸四牡馳魏闕雲烟天近處
隋河冰雪歲窮時行藏粗識賢人志疲拙難當國士知

妄欲與公論異日區區何用召棠詩

送次中

肯與衰頽論久要愛君才健氣飄飄聲名桂苑曾晞冀
原注次中先一勝登科風節霜臺魏續貂分落江湖驚幾歲喜同

文酒駐雙橈天寒不奈隋河淺又使清談付寂寥

送呂戶曹仲敏

文章盈篋幾千篇去有山濤吏部賢梅意向人冬至後
雲陰含雪北風天非今是古俗皆爾歎老嗟卑誰不然

知子已能操學誼行藏吾欲看他年

送虞元叟大熙出守當塗

使旗獵獵櫓呀呀齊舫飄如上漢槎待得江南鱸作鱠
暫從遼海鶴歸家清談揮麈臨千里隱几看山過兩衙
零落謫仙遺跡在為尋荒冢弔雲霞

徐程致仕寄之

浩然歌笑脫青綸高調冥冥綵服還智達能遺名跡去
英雄宜為泰平閒秋風酒榼攜寒野春雨蘭芽長舊山

養已奉親心兩得世人行止是非間

宿州靈壁張氏園亭舟過始知之

去國身隨濁汴傾
瞥然雙槳若孤鷹
不知堤木藏金谷
但見漁人說武陵
已許生平惟水石
坐看名利僅蚊蠅
從今所至停舟問
詩酒雖衰亦強能

八月十五日宿平原寄跂蹈

去秋今夕艤歸船
雨濕湓江歎隔年
幸此一輪開霽魄
卻嗟千里共秋天
更為來歲悠悠約
安得清光夜夜圓

孤館悄然誰晤語滿庭寒露濕蒼烟

離汶馬上寄鄉中親舊

半月徘徊去魯遲二年樽酒奉音徽又貪聖寵移金節
還使鄉人笑錦衣天地中間真遠客田園蕪沒盍來歸
東州不擬多時住已傍蘆溪作釣磯

至金鄉先寄田直孺

原注庚戌六月三十日

京雒塵埃各未湔古城瀟灑向秋天今朝屈指終三伏
此地銜盃已六年老喜交朋頻把臂拙無材力可求田

君當記得鱸魚約何日相從上釣船

秋浦寄田同年鯁

三月鵬雲接翼飛，歲窮飄泊動相思。獨臨谿檻看山處，

正是江天欲雪時。連轡都門君不至，

原注約同出都
臨行君失期

合

簪秋浦我來遲，明年尚好方舟去。醉倒春風有舊期，

過任城謁田直孺

古邑東風桃李殘，故人高臥白雲間。我知原子貧非病，

誰識蕭生志抱關。相遇正逢春事晚，已衰難伴醉鄉閒。

卜鄰慙愧當年約依舊無錢買北山

寄尹元佐

都城分袂下長淮聞說靈槎犯斗回天上夜壺千里共
江南秋雁尺書來莫悲琴劍猶羈客豈有英雄老俗埃
此去玉皇恩澤異龍飛新榜看風雷

寄高陽陳鎬

胸中奇蘊入天淵平昔英遊夢寐間寶劍早因靈氣識
臥龍今惜壯圖閒匈奴尚敢乘黃屋漢騎新聞戍玉關

應共將軍話功業酒酣朝夕望燕山

寄長沙王源祖

湘水衡山冠楚西逢君曾與勝游期
橋躋危磴尋僧去月滿歸舟載酒時
歲律別來驚易改琴徽空自寄相思
試看湖上梅應老不解東風贈一枝

表海亭

到此悠悠欲羽翰長簷危檻壓潺潺
高低步障千花磴遠近屏風四境山
興為南樓雖不淺倦如飛鳥亦知還

偷閒擬上三年計寧願齊侯五月間

早春書呈溫甫用前韻

春皇消息到人間屈指年華笑側冠
梅蕊暗黃初過雪蘭芽淺紫未離寒
時哉物逐東風樂老矣心于勝事難
惟有林泉隨處好可須巖谷隱歸盤

登照碧亭次韻燕若水

記著蓬瀛向北開清明簾幕望高臺
老慙蒼鬢親花萼病負春風厭酒盃
青葙綺羅尋徑去畫船簫鼓轉溪來

不知好事樓前客便有嘲吟倚馬才

憶靈泉山寄龔輔之諫議丈

不到靈房二十年背依叢嶺面平山
風吹檜柏周遭雨地感岡巒寸尺煙
合有高亭臨綠篠恨無長甕引清泉
攜筇占得頻來往誰似香山白樂天

次韻余翼贈陳長史繪

變化洪纖付一陶中楹瞻望赭紗袍
有才元子名為汚失意劉蕢業自高
青史異時觀壯士黃衣何日調南曹

居閒更覺新詩好詞力還堪僕命騷

次韻觀棊

畫永風閒玉局平機心相軋掌中兵敵家只欲乘虛奪
完地何勞用劫成縱使仲宣強記在枉將陶侃寸陰爭
旁觀有訣君須信大抵驕貪悔吝生

盛陶索詩錄近作數篇以長句將之

大白谿邊思會遇九華峯下共登臨高樓一別江南醉
幾歲同為塞北吟

原注已亥相遇池州同飲于蕭丞相樓

漳浦舊懷多感

慨建安遺響未銷沈言雖窮苦君能聽試寫孤音入夜
琴

二月二日過吳德仁二首

清明令德江南吳三紀蘭洲心自娛明時中林隱君子
蚤歲東門賢大夫老去笑談惟玉麈病餘風韻更冰壺
世于出處罕無意兩忘未見斯人徒

三徑長蘿依斷崖築堂能向紫溪開案頭日有青精飯
垞面常浮白玉醅坐對雲山飛鳥沒笑看花木早春回

高情不厭城中客更許時時杖履來

貽致政吳德仁朝請

四十懸車三十年白雲山下古溪邊松姿鬱鬱霜中壽
鴻意冥冥物外天歸為田園陶令達化行鄉黨鄭公賢
我慙出處今如此應得高人一粲然

初到蘄州

卜築南城三徑開寬恩客此養衰顏舟從滌潁淮中出
人是邯鄲道上回憔悴幸非蘭澤去因緣如為祖山來

江湖本是忘機地笑許殘年付酒杯

寄鼎州陶使君商翁

原注近蒙示詩

詩壇曾識舊將軍新寄長編慰俗塵夢到釣天醉聞樂
心疑明月暗投人誰悲正雅全忘古自是淫哇每亂真
安得高門占旂鼓與公吟嘯武陵春

舟次潯陽寄興國李使君舜卿

江南太守畫船飛湘水羈鴻羽翼遲歲晏風霜時易失
人生離合事難期相思坐歎瓊枝隔寓意徒令玉軫悲

遙想翠屏山下望樓中還有謝公詩

送柳判官引對次鄒主簿韻

斯文復古魏郊東

原注仲塗先生自謂東郊野夫

落落名孫祖氣同待

詔方探採蘭舍最書催見受釐宮十年樽酒瞻燕碣幾
日歌吟笑郢中天下求才君必用莫悲長劍匣秋風

赤岸過柳明之別業

主人瀟洒武陵仙別業河東大道邊心畫美田皆枕水
手栽佳木已參天園林有地時難者鐘鼎銘功事莽然

倦客過門空大嚼卜鄰安得買清泉

青山高竹樓別業昔嘗題詩其壁詩故在而竹樓
物故三年矣感而賦詩

故人別墅俯青郊曾許幽人近結茅苔壁雨荒留舊蹟
竹林雲矗見新梢樓成白玉山無主鱗出黃金客有看
悵念同游歌楚些風聲蕭颯鳥咬咬

己日泊桃源亭

桃源亭北值佳辰桃萼飄殘晚晚春綵幕惜芳林下子

綵衿修襖水邊人風謠漸喜南音變節物偏于久客新
道不與時當勇去歸心何必計吳莩

病中聞子容被召次中東歸

一夜奎星向紫微朝來黃鵠又東歸謝屐春入新紅藥
吳苑花迎舊繡衣疲馬顧鳴還有戀驚鳥飛匝欲何依
無聊病况將離思併寫孤音白玉薇

再和

詩酒相從道久微東西冠蓋兩將歸許公文誥專鴻筆

太白江湖醉錦衣攬轡慨然俱有意繫匏于此獨無依
猶憐謫得河梁句常與都人記盛徽

送鄭毅夫舍人被召五首

金魚寶帶紫微仙刺史荊州帝倚賢仁入刑書無濫獄
政通和氣屢豐年芝函曉下浮雲闕奎耀宵還北斗天
士望區區翰林主不知舟楫赴商川

三國遺基楚子宮洞庭游樂與民同畫船載酒春波綠
疊鼓隨車夜燭紅愛此南陽歌召父學如西蜀化文翁

去思不用甘棠賦恩在邦人骨髓中

永昭陵上土新乾又見弓遺四海冤旒冕嗣天承顧命
金繒傾帑入私門已多困瘠悲邦釁況有跳梁玩國恩
歸奉清閒疏竒蘊席前應講太平源

旌旗占曉動星躔冠蓋傾都海嶽旋歸覲明堂瞻日表
過家鄖社卜松阡郢山殘雪梅寒後漢水東風柳暖天
無限春風入佳句何時珠玉看盈編

髣髴忘懷出處均行行猶眷楚都春嗣皇小恙方求助

太守三公古重民，燕厦久依王聚幕。
鵲書曾覬孔融賓，士儒以義酬知己。
敢向東原涕滿巾。

九日病起寄文瑩

春城別去已秋窮，猶喜音書繼遞筒。
身外光陰一飛隼，天南蹤迹兩飄蓬。
夜烏三匝驚明月，胡馬長嘶向北風。
無酒無人更無菊，重陽愁過鹿皮翁。

春日書事

年華歡緒兩蹉跎，颺白浮紅日日多。
酒怯病懷無舊戶，

睡便春晝長
新魔些思楚
客招魂語噫
笑梁生憤世
歌鳥雀相忘
來亦少不須
門外更張羅

跋罷西邑時將營山居路有二詩次其韻

半年西邑祇徒勞
天數人謀兩不饒
分定一枝難駐足
時來三組併垂腰
是非未了今猶古
飲啄誠安谷亦喬
何日一塵能負郭
杖藜春雨看春苗

求田問舍此心勞
兩處如聞勝勢饒
張氏泉塍近城角
邵家林屋在山腰
倒冠來伴樊川杜
飛鳥新開葉縣喬

昨日雪霜枯槁地百般蒼翠發新苗

忠肅集卷十九

欽定四庫全書

忠肅集卷二十

宋 劉摯 撰

七言律詩

孫少卿鹿頭山詩并畫圖二首

誅茅搜險旋尋真聞說山巖一日新
佳境留連應有待
先時登覽豈無人披榛好石來如召
隨手清泉應若神
不獨山中興勝事幾多風愛在邦民

使君鎮愛鹿頭山。圖畫歌吟去。為傳塵世那知武陵事。
時人爭誦永嘉篇。行春遊醉常勞夢。按部登臨又隔年。
有客平生志林壑。坐憐雙眼隔雲煙。

次韻蔡景繁紅梅三首

故人江驛寄瑤華。紫玉枝頭散嫩霞。日暗露桃春尚淺。
醉餘收面粉。難遮綠溪地。靜東風。過雕檻。香寒曉月斜。
水滿琉璃聊自喜。不堪塵眼祇空花。

蕭疏仙梗擢芳華。巧刻圓瓊傳淡霞。素質本非桃杏質。

酡顏聊避雪霜遮
香含暮雨欄邊散
豔倚春風鬢上斜
聞說樽前偏屬黨
青黃朱粉更無花

仙圃瑤林冠物華
靚英明媚洗晴霞
醉裝卻費臙脂暈
紈扇應煩絳粉遮
天上念奴春睡足
風前飛燕舞容斜
後房宜勸歌聲小
惜愛今年第一花

再次紅梅

無簡李
質夫

色不天穠始是華
仙家林觀倚雲霞
春酣白玉醅香入
日射紅鸞扇影遮
攢萼亂鬢能淡佇
抱枝寒萼更疏斜

為寄瑤林主人語爭妍應有曲房花

庭前有古槐一株枝葉扶疏廣蔭一畝每當月夕
風晨輒為婆娑其下空翠滴衣心神清越感秋寄
興情見乎詞

綠玉交柯蔽鬱深碧蘿寒幄靜沈沈最宜初旭晞晴靄
時有珍禽宅翠陰終日對為佳客伴幾年相慰故谿心
主人已有秋風興更聽疏蟬抱葉吟

盆中移白菊

九秋風露下星榆玉刻圓錢散曉株人住水涯多白髮

地應花谷近清都按香清酒登新譜

原注君倚以菊釀酒

益氣輕

身載舊圖移取黃堂朝夕見北洲亭遠故臺蕪

原注郡中舊有

白菊臺

今荒廢

次南陽錢紫微白菊

清根靈氣本仙通白玉葩華綠玉叢山遠莫尋幽谷水

洲香聊近百花叢神寒縹緲梅同格英出繁多雪媿工

原注菊英

二十一出

籬下區區醉金蘂酈卿應笑鹿皮翁

次韻傳推官宏月菊

應憐陶令愛東籬分付黃花特地遲
百卉浪隨秋色盡孤芳自與歲寒期
冷香直欲梅相鬪金蕊懸知雪更宜
空使詩人詠重九天公造物本無時

輓慈聖光獻皇后二首

翼子詒孫廟社功憂勞嘉祐治平中
澤流自配皇圖遠仙去誰期壽劫空
三獻奄違長信殿萬靈神會永昭宮
母儀五十年間事愁入西郊鼓吹風

孝孫皇帝念終天毀慕難留玉座遷廟謚易名尊四字
宸闈行服自三年寶衣鸞鳳藏華殿哀仗星辰下洛川
從此都人想遊幸無因重見九龍輶

輓資政殿學士吏部尚書曾公二首

懷詔歸來望九霄
伍山繞隔渡河橋
履聲未徹君王聽
車左俄悲道路招
韋氏詩書傳秘閣
石家孝謹冠中朝
靈輶聞說都門過
愁徹西風鼓吹簫

百歲悲歡俯仰間
訃驚疇昔涕沆瀾
玉堂天聖傳先契

蘭省元豐事長官寂寂塵音華屋閉蕭蕭雲木故山寒

深心令德今何愧付與無窮後世看

原注禮諸侯行而死子道則升其乘

車左轂以其綏復先子出宣靖公榜下元豐乙丑之政前為吏部尚書時某其郎中也

輓宋次道二首

橐筆周旋侍漢宮博知前載問無窮朝廷人物儒林丈
家世文章太史公俯仰頓驚華屋換聲容徒望總惟空
寢門一哭何嗟及付與悲哀挽鐸風

平生襟尚苦清通白首耽心翰墨中萬卷囊書推沈氏

一時碑字貴顏公塵栖村館稀賓至山抱佳城與祖同
已矣善人那復見蕭蕭淅淅秋風

哀呂西臺行父四首

大夫門戶斗魁旁落落南宮舊望卽收歛壯心書萬卷
沈浮高興酒千觴乘驄始欲新年去藏壑俄驚半夜亡
索我贈言曾未暇哀懷今變紼塵章

仙骨蕭疏古栢秋合于塵世獨悠悠人間未熟黃梁飯
天上新成白玉樓隱几不聞遺治命飛旌何日向西州

識君惟有崔夫子

原注
伯益

預說衣冠一蛻留

前月南河欲放船
壺觴一夕暫盤桓
吐霏珠玉音猶在
風折簣箠墨未乾
皎皎不應隨物轉
滔滔從此締交難
孤懷幽調誰知者
寂寞金徽不復彈

吳興空望使君車
道厄陳州亦命歟
歸路自為荒率去
遺忠誰訪茂陵書
粃糠世俗心無累
蘭玉階庭善有餘
一東生芻猶未至
春風洒淚滿襟裾

五言絕句

次韻唐誦植梭欄三絕句

亭亭員幹直翦翦翠輪齊葉散夜叉樣惡名誰品題
榮悴逐時序紛紛紅翠多誰同歲寒操旁有羽林戈
種蘭不當戶李以苦見容珍重主人意東亭非要沖

次長守長歷兩孫自汶寄讀詩韻

阿守似其父丰姿仍秀疎別翁猶數月書驛且渠渠
歷也駒千里新詩慰遠思霜秋魚酒美來趁壽觴時

七言絕句

戲簡許教授

雖有董鹽甘寂寞如聞顏粥更艱辛
莫將東釜論多少聊為君家拂甌塵

馬融絳帳臺

漢守曾為絳帳師升堂高弟許
摠衣傳經無復當時事只有沙禽自在飛

國風亭

地靈真合有清辭正在中和樂職時
誰道諸詩吟不盡

試看亭上國風詩

復古亭

功大文雄歲月深巍然高碣字生金
臺池得與吾民共誰識邦家復古心

穿楊亭

華構翬飛一望中顏間篆墨颺秋風
休矜百步穿楊巧未及當年射虎功

迎春亭

亭接東風近曉霞幾多和氣到萌芽也知當日迎春意
不為松筠只為花

朝宗亭

亭下長江走浪花朝宗東委去無涯何時銀漢風濤穩
待泛仙人八月槎

漱心閣

危欄倒影下千尋空水無聲萬象沉試問登臨來往客
幾人澄得利名心

七瑞堂

草木生成亦偶然誰將枝幹驗祥編如何併作當時瑞
寂寞如今五十年

水舫

天水相將遠欲無扁舟雙槳似飛鳧此身未是逃名客
且學鴟夷泛五湖

雙橋

雙橋十里跨虛明波面無風兩足輕雨歇烟收人不見

路岐依約是蓬瀛

十月六日與客游金山乾明宣塔戒壇彌勒舍利

廣教七山寺三首

水落溪橋霜未寒岡林平淺是西山路穿峭蒨青蔥底
寺在崎嶇屈曲間

排門金碧七禪關松閣相望石徑連不為勤求善知識
可能一日徧諸天

行徹雲烟到上方青林深壑對重岡山中底處饒風月

要著江州一草堂

偶作

春氣未強寒慘慘
羈人多病興寥寥
閨愁付與毫端遣
長日期于局上銷

次韻張供備達夫觀回鴈峯二首

圖志分明傳者謬
峯名元在嶽山隈
邦人試看春巖上
豈有燕鴻到此回

林麓坡陀湘水側
煙嵐朝暮楚城隈
峯前遷客翻堪笑

金匱口居
卷二十
不及飛鴻一歲回

樊山口二絕

洲背嶄嶄亂石排
濯風寒浪踏蒼苔長
江萬里從西北
瀉向幽人兩足來

無數江鷗似雪霜
暫來還去俯滄浪
幽人已自忘機久
卻恐窺魚意未忘

九日依唐生韻五絕句

三歲重陽負玉觴
悲歡不定客途長
元光節物真虛擲

賴有新詩付錦囊

白醪趁節醅已發黃菊候霜花未開獨上荒城拱雙袖
風雲慘慘鴈聲來

無處登臨百尺樓若為銷散仲宣憂拒霜寒菊常煙雨
愁滿江城冷澹秋

悄悄登山臨水興紛紛泛菊佩萸人不須吹落簪花帽
但願常存漉酒巾

長松老桂風霜足細草幽花雨露霑天寒日下音書少

鴈自高飛魚自潛

次韻燕中舍若水苦雨五絕句

湖水漫漫日夜添
芡芒蒲鏹闢尖鉅
不須更問雨多少
且喜西牕青入簾

風欺炊竈晨煙重
泥隔賓車午枕高
誰記幽人張仲蔚
都將三徑付蓬蒿

池蛙聯絡聲方旺
逕草縱橫勢未鋤
不厭微涼生枕簟
只憂新索入圖書

聲入高梧翠竹邊
故攜枕簟北牕前
無端喚起江南夢
記得扁舟夜不眠

嘉穀連空指歲豐
幽潛無復有乖龍
何時浩蕩風吹日
照徹陰雲幾萬重

泛舟南湖二絕句寄公秉二首

路轉芳洲面面風
回環慙媿刺船翁
畫橋東北桃花塢
時有飄紅落酒中

不知芳物過春風
傲兀扁舟怯浪翁
得似王猷剡溪上

何須范蠡五湖中

木芙蓉

誰染輕紅皺萬囊
靚如妝面照寒塘
蜀葵千葉仍陪菊
芍藥重臺更耐霜

湖上口號三首

綠荷深不見湖光
萬柄清風動曉涼
莫恨紅葩猶未爛
葉香元自勝花香

湖上清懷各自知
涼風吹我獨依依
吏曹姑去母催我

待得臨流弄月歸

柳色映花春岸北
人家臨水畫橋南
回舟欲向東城望
恰似清溪玉鏡潭

六月二十日湖上四絕句

蓮的紛紛玉手來
欲攀蓮葉卷狂盃
冰漿未見菱腰折
珠實何時芡觜開

紅蕖白藕滿平湖
曾愛新梢玉不如
今日水深那可得
野人盤上欠香蔬

氣候淒涼傾刻中晚來宜此一樽同乍收荷葉蕭騷雨
使得蘋花細碎風

濃雲忽忽遍天圍四面涼風弄客衣霹靂一聲湖雨白
魚兒驚沒鷺狂飛

雪中次韻王鞏廷平四絕句

此時遙憶子猷家幽興應思剡水涯未向東風見瓊樹
且傳春色贈梅花

漸飛大片紛如靴更撲驚風亂似雪為謝妻孥衣但典

莫愁米貴酒難賒

簷邊騷屑竹聲乾
爐畔龍鍾病骨寒
坐想蘭歌傾桂酒

清虛堂上有餘歡

原注君
之西齋

袁安祇有高眠興
謝眺空傷後會難
十萬健兒春瘴近
飛花宜過海南山

平原君

徒稱館舍三千客
豈捫長平百萬軍
烏在平原多得士
功名翻屬信陵君

信陵君

客趙忘梁久不歸先王宗社若巢危歸來未久秦人入
魏國存亡亦可悲

甘羅

甘羅徒挾虎狼威入趙安能策是非大抵諸侯畏秦爾
一言輕得五城歸

汲黯

汲黯剛純社稷臣張湯巧詆更平津賢人所貴忠邪異

惜對君王論未伸

次韻龔諫議輔之同遊靈岩寺

琳宮仙老鬢雖霜不厭山頭石徑長
杖履更為他日約
姓名聊記舊碑旁

戲李質夫

曾醉江梅爛漫時
北鄉寒冷見花遲
知君獨倚瑤林賞
不向春風贈一枝

再贈李質夫

贈春須記折花時坐恨江南信息遲
還向瑤林主人問
東風應傍去年枝

絕句

日日新詩出錦囊清言飄洒句琅琅
幕中病客疲酬報
走馬真難伴放羊

東郊次韻器資子開六絕句

幾年空有憶梅詩常恐江南驛使迷
慙媿一枝償病眼
春風須勸笛聲低

刻玉沾酥三兩枝
霜空林杪早春時
蕭疏仙骨閒相並
繖縹幽香冷自知

江南詩客兩仙才
攜手東原賦早梅
瓊樹令人常願見
還家何事更徘徊

右見早梅

五日重來躡馬塵
此君時節已殘春
吹衣拂面寒猶峭
誰道春風似故人

悄悄輕冰斷水涯
欣欣羣木蔭人家
春風巧思無尋處

紅白青黃各自花

昔年花卉爛春林今日重來老病侵歲月漫為流俗歎
行藏誰見古人心

右謾成

九月十八日離魏都寄內二首

南鴻無計與同飛鴻翼翩翩我馬遲若過平臺寄家信
為言今日是歸期

肅肅霜風吹客衣客懷多少寄金徽到家細說淹留事

應笑蘇秦困始歸

寄倩

近時頗少飛鴻信
幾日應占喜鵲聲
相見便須持寶鑑
為翁衰鬢摘霜莖

題齊己草堂

一曲流泉對草堂
何人與續帳前香
清詩自共秋風老
依舊鍾聲送夕陽

忠肅集卷二十